



~~Kat. K...~~  
116766

III

Wyd. St. 1777






116766

II



0







BIBLIOTHECAE  
ZALVSCIAE  
DEDICATIONEM

IPSA DIE

AVGVSTO

IN FASTIS SACRA

CELEBRANDAM


SARMATIAE

QVO PAR EST

ANIMI CVLTV

GRATVLATVR

ERNESTVS MARTINVS CHLADENIVS



VITEMBERGAE  
EX OFFICINA SCHLOMACHIANA  
CICDCCXLVII



THE LIBRARY OF THE  
MAY 21 1891  
DEDICATION



THE LIBRARY OF THE  
MAY 21 1891

116766

II

419, c. 1933,



REVERENDISSIMO CELSIS-  
SIMOQVE  
PRINCIPI AC DOMINO  
DOMINO  
CHRISTOPHORO ANTONIO  
COMITI  
SZEMBECK  
ARCHIEPISCOPO GNESNENSI  
LEGATO NATO  
REGNI POLONIAE ET MAGNI DVCATVS  
LITHVANIAE  
PRIMATI  
ET  
PRINCIPI PRIMO  
ORDINIS POLONI AQVILAE ALBAE  
EQVITI



**D**iuinitate quadam gaudere, imo  
plane rem diuinam esse, literas,  
nisi illud fidem faceret, quod mori

uetent, aeternitatisque consecrent, sui cultorem, certe ex eo cognosceremus, quod earundem amore trahi se patiantur, qui Deorum uicem in terris gerunt, Reges, et Regibus proximi. Nullibi uero literis sua diuinitas animosius asseritur, quam in Sarmatia.

REGEM AVGVSTISSIMVM in  
Aulae Splendorem eas adsciuisse, et nunc,  
quot PRINCIPES REGII ornent AVGVSTAM  
DOMVM, totidem LITERARVM PRINCIPES  
esse, ea res omnium oculis obuersatur,  
imo pridem admirationem, an dicam  
stupo-




*stuporem, iniecit populis, iis etiam, qui nihil mirantur, nisi sua. Proximus REGI TV haberis, PRINCEPS CELSISSIME, non Dignitatis Excelsae tantum Gradu, sed etiam literis, quarum amore trahi TE adeo pateris lubenter, ut Principum nemo lubentius. Scilicet in his momentis aliquid praesidii inuenio, ne audaciae reus postuler, quod CELSISSIMI NOMINIS TVI Splendorem*  
*scriptioni meae circumfundere non dubitem. Quod enim literas habeas in pretio, TEQUE habere publice demonstres, id manifestum facit argumentum, quod habeas etiam literatos, nec audaculum reputes, aut, ueluti profanum, a Penetralibus TVIS submoueas, qui, ea commendatione instructus, accedat,*  
*quod,*



quod, praeter bonam mentem, amet literas.  
Hac ego causae fiducia ago. Hac Postibus  
TVIS, qui REGNI Gubernacula, Primus  
a REGE, tractas, figo uotiuiam tabulam,  
indicem pietatis, qua trahor in NOMINIS  
POLONI cultum et admirationem. Hac uota  
capeffo, ut Superi TE, CELSISSIME REGNI  
PRIMAS, GENTEMQUE ILLVSTRISSIMAM,  
Regni Senatoribus semper Foecundam, in  
Decus et Florem Rei Sarmaticae, sospitent,  
omnique abundantem felicitate per-  
petuent.







uae uoluptatis futurae praesensio, simulque ulterio-  
 ris morae impatientia, in M. Tullii Ciceronis animo  
 insedit, cum Attico suo scripsit:<sup>a</sup> *Velim, cogites, id*  
*quod mihi pollicitus es, quemadmodum bibliothecam nobis*  
*conficere possis; Omnem spem delectationis nostrae in tua*  
*humanitate positam habemus, eadem iam anno superiori uniuersam Sar-*  
*matiam, nec Sarmatiam modo, sed totum, qua literis hospitalis factus,*  
*orbem, occupauit, et haecenus omnium in animis tenacius insedit.*  
 Scilicet, ex quo, Incomparabile illud Fratrum Par, Zaluscii, quem  
 utrumque, tum ob antiquam fidem candoremque, tum ob doctrinae  
 uarietatem, tum ob munificentiam in rem literariam, reique literariae

A

culto.

<sup>a</sup>) CICERO ad Att. Lib. I. Ep. 7





cultores, tum ob reliquam laudem, aliquid maius diceres et illustrius, quam Atticum, ex quo, inquam, Hi publicam fecerunt fidem, se condituros in Patriae commoda Bibliothecam, dici non potest, quantum noua res sui concitauerit expectationem. Phidiae quoddam signum in Sarmatia parari credidisses. Adeo intente omnium oculi animique in illam erant conuersi. Imo parabatur Phidiae signo aliquid praestantius, nobiliusque. Nam operis architecti erant Zaluscii, quo Nomine, nescio, an ad excitandam admirationem efficacius sit aliud. Efficaciam certe in hoc experti sumus argumento. Cum enim percrebuiisset fama, a Zalusciiis parari Bibliothecam, omnes ex ipso Zaluscio Nomine augurium capiebant, et omen, absolutissimum, et Regni miraculum, fore, quod pararetur, opus. Quanto uero certius ceperant omen, eo cupidius operiebantur dictum dedicationi diem, illas Sarmaticae felicitatis et publicae delectationis calendas. Ardebant animi, idemque omnes simul ardor habebat. Omnium in uotis erat, ne qua diei obiceretur mora. At fallaces sunt hominum spes. Quo maius et exquisitius appetas bonum, quo maiorem speres delectationem, eo facilius spes destituet, aut certe lentiori gradu appropinquabit expectatissima dies. Huius rei experimentum cepimus, qui celebritatis, quam Bibliotheca Zaluscia erat editura, desiderio tenebamur. Celebritati enim intercedebat, quod dies, iam dum a Zalusciiis dictus, publicis Regni negotiis erogandus esset. Cui quidem neces-

fitati





fitati quo promptius cedebant Zaluscii, (nescias enim Ciues, saluti Patriae cedere, promptiores) eo grauiorem res literaria iacturam facere uidebatur. Querebamus, quotquot censemur literis, omnem spem uoluptatis nostrae, fructumque, quem non studiis tantum politioribus, sed plane Regnis et populis, augurati eramus, interceptum uideri. Querebantur et Sarmatae, Illa non literis minus, quam bellica laude, clarissima Natio, iustam quidem uideri istam necessitatem, quae Regni florem respiciat, at eo duriorem, quod publicam simul delectationem, quam Zaluscii parauerant, aut prorsus intercludat, aut certe retardet. Vos testor, Proceres Sarmatiae, et Munerum, et Familiarum, praerogatiua, itemque literarum dignitate, Praestantes, Regni Fulcra et Decora, Vos, inquam, qui in nuperis Regni Comitiis consilia miscuistis, non Vestro tantum Regno, sed populis uniuersis, saluberrima. Publice interest, reminisci, quod in his ipsis Comitiis, interque medias, quibus Poloni Nominis Gloria agitabatur, consultationes, dulcissimum reputaueritis negotium, Bibliothecam Zalusciam inuifere; laudare eius ornamenta, inter quae maximum habetur Vterque Bibliothecae Conditor; mirari codicum et numerum, et delectum, et nitorem, et reliquam uirtutem; accelerare uotis dictum dedicationi diem, diem ampliandae Polonae Glorae accommodatissimum; denique omni re fidem facere, iis momentis, quibus Regni salus, et Glorae incrementum, constet, recte accenferi Bibliothecae Za-





lufciae dedicationem. At interest etiam, meminisse, quantam Animis Vestris, publicae utilitati semper intentissimis, aegritudinem attulerit illa desideratissimae celebritatis interpellatio. Attulit certe tantam, ut, quem fructum Bibliotheca Zalufcia Rei Sarmaticae allatura sit, exinde satis intelligamus. Erat enim aegritudinis causa, quod hic fructus uideretur interceptus. Iam uero Vestram Fidem imploro. Vos, nisi audax facinus uideatur, tot tantosque Heroës in testimonium uocare, Vos testor, quid ex eo die, quo, Bibliothecae Zalufciae dedicationem peragere, negatum fuit, tum Animis Vestris, tum etiam uoce, et calamis, agitaueritis. Nonne Ciceronis, quem et sapientiae, et eloquentiae, laude aequatis, an dicam superatis, exemplo, nunc Andream, nunc Iosephum, Zalufcios, blande amiciterque horrtati estis, ut, quod et Vobis, et Regno Vestro, et orbi literario, essent polliciti, cogitarent, quemadmodum Bibliothecam, Regni praesidium futuram, conficerent, confectamque dedicarent. Nonne etiam omnem spem delectationis Vestrae in Vtriusque Conditoris humanitate posuistis? Te praefertim testarer, Celsissime Regni Primas, nisi summum, in quo collocatus es, Fastigium, audaciae gradum augere uideretur. Testor tamen. Nam audaciam minuit Tua, Gratioissime Princeps, Indulgentia. Liceat mihi, ex rei literariae diurnis cum mensis Decembris superioris anni diem repetere, qui hac re memorabilis habetur, et nunquam non habebitur, quod Tu, Celsissime Princeps,





ceps, Gratiofſſima Ora Zaluſciae Bibliothecae inferres, eiufdemque non tam Spectatorem, quam Admiratorem, Te praeberes. Quod enim Te praebebas, quod ſingula laudabas, id manifeſtum erat argumentum, Te partim Tuo, partim Regni, cuius Primarium Decus haberis, Nomine, tum gaudere, quod Sarmatae tot publicae delectationis instrumenta ſint habituri, quot codicibus inſtructa ſint Zaluſciorum armaria, tum etiam indolere, quod huic delectationi, cuius auſpicium datura erat Bibliothecae Zaluſciae inaugurationi, quaedam allata ſit mora. Certe, quae in Animo Tuo, rerum omnium, ad Regni Integritatem Maieſtatemque ſpectantium, intelligentiſſimo, infederit, ea de re, ſententia, niſi pluribus conſtaret documentis, ex hoc abunde cognosceremus, quod, finitis Regni Comitibus, Varſavia abſcedere, Tuasque Terras, quas maximo Indulgentiſſimi Principis ſui cenderio teneri fides erat, et Sedem Principalem, reuiſere nolueris, niſi prius Oculis et Animo luſtraſſes Bibliothecam Zaluſciam. At quo Tu, Celiſſime Regni Primas, fuiſti in Zaluſcios Animo, eodem, Te exemplum praeunte, fuerunt ceteri Sarmatae Proceres, fuit Regni Nobilitas, imo fuerunt Sarmatae uniuerſi. Omnes delectationis ſuae publicaeque voluptatis ſpem, in Zaluſciorum humanitate poſitam, habuerunt.

Non inanem uero ſpem aluiſtis, Sarmatae. Haec ipſa enim celebritas, haec pompa, quam Zaluſcii, ut datam fidem liberent,





instruxerunt, spem Vestram, nisi superat, certe implet largius. Hic, inquam, dies Vestrae uoluptatis publicaeque delectationis edit auspiciū. Nec auspiciū saltem edit, sed etiam, dum Sarmatae erunt, duraturam spondet, omine indubio. Quacunque respiciatis, singula momenta praebent uberrimum delectationis argumentum. Delectat adspectus Vtriusque Zaluscii, quos uoluptatis Vestrae recte dixerim Auctores. Quantus, per Deum, Frontis et Oris decor, quo, in splendidissimo isthoc Procerum Coetu, Regni literarumque causam orant! Quam grandem Animum hic decor arguit! Quam gestu, ad arguendum Patriae amorem perquam composito, amplissima possessione sua cedunt! Neque tam gloriosum est, quod cedant, quam quod Patriae publicaeque rei cedant, eoque ipso aliis, illustribus ceteroquin, bibliothecarum dedicationibus suam reddant multo illustriorem. Fateor, illustre esse, Bessarionem, Cardinalem, praestantissimam Bibliothecam suam Mauro, Venetorum Duci, donasse,<sup>b</sup> illustre etiam, Iacobinos, apud Parisios, Bibliothecam suam dicasse Franciae Delphino.<sup>c</sup> At in utraque dedicatione rerum nihil actum fuit, ut in publicam rem redundaret dedicationis fructus. Contra, si quis Zalusciae Dedicationis formulam poscat, eius primum caput, primam legem, intelliget, esse publicam utilitatem. Scilicet, cum seculi infelicitatem

b) IO. PALATIVS in *Fastis Ducal. Venet.* pag. 166.

c) GERM. BRICE dans la *Description de la*

*Ville de Paris*, Tom. I. pag. 181.

d) AMM. MARCELLINVS *Lib. XIV. cap. 6.*

e) CHRYSOSTOMVS in *Exhortat. ad liter. stud.*





tatem arguat, si Bibliothecae, sepulcrorum ritu, claudantur,<sup>d</sup> rerum fatagunt Zaluscii, Heroës Illi in seculi ornamentum nati, ut posteris fidem faciant, felicissimum fuisse, quod iam transigimus, aeuum. Bibliothecae usum publicum faciunt, dumque faciunt, uere Regium Animum ostentant. Publicas enim condere Bibliothecas, et ciuibus, praeter corporis et patrimonii securitatem, animi etiam pharmaca, ceu libros uocat Chrysostomus,<sup>e</sup> prospicere, id Regum opus, id Regio Nomine dignum, semper habitum fuit. Certe Regum Attallicorum memoria, licet tot seculorum tractus intercefferit, ob id ipsum adhuc in pretio habetur, quod egregiam Bibliothecam Pergami, ad communem delectationem, instituerint.<sup>f</sup> Tum etiam Aegypti Reges ideo memorabiles habentur, quod Bibliothecam Alexandrinam, illud, si Senecam audiamus,<sup>g</sup> pulcherrimum regiae opulentiae monumentum, regiaeque elegantiae et curae egregium opus, instruxerint.<sup>h</sup> Quo igitur Animo sint Zaluscii, inde manifestum est, quod cum Regibus paria faciant, et Bibliothecam, quam uentura posteritas pulcherrimum Zalusciae opulentiae monumentum, simul Zalusciae elegantiae et curae egregium opus, appellabit, (imo iam nos appellamus) ad communem delectationem instruant, instructamque Patriae dedicent. Imo, si rem curatius aestimemus, Regibus illis laude superiores sunt Zaluscii. Adhaesit enim

f) VITRUVIUS *Lib. VII. in Praefat.*

g) SENECAE *Tranquill. Animi cap. 9.*

h) VITRUVIUS *per tit. Bibliothecam Alexan-*

*drinam describit BONAMY dans les Memoires de l'Academie Royale des belles lettres à Paris, Tom. IX. pag. 397.*





enim prisco illi aeuo (an recentiori adhaereat, nolo dicere) ea labes, quod heros indoctos, saepeque seruilium literarum ignaros, haberent Bibliothecae, regiae praesertim, ut plurimum non in studium, sed in spectaculum, comparatae.<sup>i</sup> Meliores heros, si modo, ex quo possessione sua se generosius abdicarunt, heri adhuc dici uelint, ostentat Bibliotheca Zaluscia, non in spectaculum, sed in studium, comparata. Meliores dico. Vtroque enim Zaluscio doctiorem Heroem an seculum ferat, nescio. Non errabit, qui aut Andream, aut Iosephum, spirantem et ambulanti Bibliothecam dixerit, cum dubium sit, utrum in armariis, an in Animis magis, collocauerint libros, in Patriae commoda comparatos. Sane illustra sunt, Reique Sarmaticae florem satis demonstrant, haec momenta. At illustra etiam uidentur, quae nunc attingam.

Scilicet alterum delectationis Vestrae argumentum (nam primum erat, Zaluscios esse, qui dedicent) est ipsa Bibliotheca, quam dedicant Zaluscii. Huius ambitum qui animo comprehendere uelit, is cogitet, eam certare cum regiis. Prima enim regiarum Bibliothecarum laus habetur, excelsos heros, ut amplam uoluminum molem compararent, immenso sumtu, per omnem terrarum orbem, libros conquisuisse. Hac laude praesertim Galli, ne alios populos memorem, Franciscum suum,<sup>k</sup> Ludouicum XIV<sup>l</sup> et Ludouicum

<sup>i</sup>) Haec est querela SENECAE in loco alleg.  
<sup>k</sup>) THYANVS *Histor. Lib. III. pag. 57.*

<sup>l</sup>) GERM. PRICE dans la description de la Ville de Paris, Tom. I. pag. 43.





douicum XV,<sup>m</sup> Augustos Bibliothecarum aut Conditores, aut Amplificatores, insigniunt. At, si Bibliothecam Zalusciam spectemus, nec gentem, nec prouinciam, reminiscemur, quae Zalusciiis non ministrauerit aut uolumina, aut alia cimelia, Bibliothecae ornamenta. Tum, si uoluminum ineamus numerum, id regium est reputandum, quod hic absolui uix possit. Iam illi, qui in laudandis Bibliothecis Regiis operam ponunt, excutiant singulas, subducant calculum, numerumque edant. Aut nullam inuenient, aut certe miraculum dicent, quae centum millibus constet uoluminibus. At hunc ipsum numerum, quantus quantus uideatur, aliquoties excedere fertur Bibliotheca Zaluscia. Ex qua re palam intelligitur, quo sumtu, quo pretio, illa constet. Regium dicerem sumtum, nisi, quod Zaluscii impendant, momentum esset, regio nomine aliquanto illustrius. Ne quid adulationi dare uidear, dicam, quod sentio. Nempe, qui regem dicit impendisse, is facile incertum relinquit, ane ciuibus pluris constet regium illud impendium, quam ipsi principi, qui dicitur impendisse; incertum etiam ane populi magis, quam suo, sumtu, liberalis sit. Etenim id demum gloriae laudique ducitur, si quis de reditu suo, de suo patrimonio, partem decerpat, eamque, cum alia re profundi potuisset, in patriae utilitatem liberalius erogasse malit. Praecipua uero laudum Bibliothecae Zalusciae pars est, quod Zaluscii, incredibili

B

pene

m) *Les Mémoires de l'Académie Royale des Belles Lettres à Paris, Tom. VII. pag. 334.*





pene largitione, lautissimi Sui Patrimonii, tum fortibus Patrum factis, tum propria Virtute, et meritis in Patriam, quaesiti, amplissimam partem in sumtum erogauerint, eaque re ambiguum reddiderint, utrumne laudabiliori liberalitate Bibliothecam coëmerint, quam dedicent. Iam reliquam Bibliothecae Zalusciae laudem exsequerer, at laudis ubertati paria uerba non inuenio. Si tamen in compendium eam mittere fas esset, contenderem, illam Vtriusque Sui Conditoris Ingenio esse parem.

Ex eo uero, quod par sit, cognosci facile potest, illam, cum Zaluscio Ingenio nihil sit fructuosius, Regno Vestro fructuosissimam fore. Fructum edet largissimum, eoque ipso largissimum Vobis dabit delectationis argumentum. Dicerem, Regno florem allaturam esse, nisi illa iam dum florentis Regni manifestissimum faceret indicium. Semper enim Regna et Respublicae florere creduntur, ubi literis et studiis pretium habetur. At nullibi habetur maius, quam in Sarmatia. Vnde habent populi, ut Sarmatiae florem mirentur. Ille uero Bibliothecae Zalusciae fructus erit, ut florem illum, si modo augeri possit, auctiorem reddat, amplioremque. Scilicet, cum primum florentis reipublicae fulcrum sit cultus ingeniorum, ingeniis uero colendis expoliendisque nihil datum

n) TERTULLIANVS Lib. de Idololatria pag. 621. Ed. Paris. 1780.

o) FERRARIUS in Orat. in Bapt. Nauium pag. 681. Edit. 19. FABRICII.





datum sit, quam literae, illa, quod Tertullianus ait,<sup>p</sup> ad omnem uitam instrumenta, quam libri, illa, si Rhetorum recentiorum disertissimum<sup>o</sup> audiamus, omnis sapientiae instrumenta, quam Bibliothecae, illa, quod recte iudicat Wilhelmus Malmesburiensis,<sup>q</sup> omnium liberalium artium armaria et sacraia, facile aestimabitis, quantum ingeniorum politissimorum prouentum, et, quem ingeniorum prouentus afferet, Reipublicae Vestrae florem, quantum etiam floris fastigium, spondeat Bibliotheca Zaluscia, tanto librorum numero, delectu, omnique alia laude, adeo commendata, ut commendatiorem neq̃ ullus ostendet populus, nec ullum seculum. Quanti posthac erunt ingeniorum, et studia, et ingenii laudem, aemulantium, in hac Bibliotheca concursus? Non ii tantum, qui sapientiae adhuc rudimenta capiunt, sed ipsi sapientiae mystae, imo, si magnae rei uacipinium dicere liceat, Ipsi Sarmatiae Proceres, Ingenii Sapientiaeque laude pridem Celebratissimi, Basilicam, Bibliotheca Zaluscia illustrem, frequentius inuississe, laudi ducent, dumque in ea diuersabuntur, sibi, (quod ille de Bibliotheca Budensi ait,<sup>r</sup> ego rectius de Zaluscia) non in Bibliotheca, sed in Iouis gremio, esse, uidebuntur. Crederemus, Luculli tempora redire, qui, cum multos, beneque scriptos, libros conduxisset, eorumque usum, quod Plutarchus laudat,<sup>r</sup> possessione laudabiliorem, id est,

B 2

publi.

p) Vid. CONRING. in *Antiq. Acad. in Sup-  
plem.* 31. pag. 286.

q) IO. ALEXANDER BRASSICANVS in *Praef.*

ad Edit. SALVIANI de *Gubernatione Del.*

r) PLUTARCHVS in *Vita Luculli* circa fin.





publicum, instituisset, ea re effecit, ut eo se literarum cultores, tanquam in Musarum aliquod diuersorium, libere reciperent, aliisque negotiis euitatis, iucunde dies ibi commentando exigent. Crederemus, inquam, nisi Luculli tempore nostrum reputandum esset felicius, tum, quod publicae delectationis et iucunditatis Auctores contingat esse Zaluscios, tum, quod numero, et reliqua re, illustrior sit, qua nunc delectamur, Bibliotheca, tum praesertim, quod Bibliothecae possessionem aequae, ac usum, laudabilem faciant Zaluscii. Vtrumque enim faciunt publicum, cum Lucullus faceret alterutrum. Possessione enim cedere negavit. Zaluscii cedunt ultro. Ego, si quam in comparationis aleam adducenda esset seculi huius felicitas, dicerem fortasse, eam parem uideri illi, quam attulit Ptolemaei, laudatissimi Regis, <sup>1</sup> seculum. Hunc Regem uetus historia memorat, <sup>2</sup> infinito zelo, multaque industria, instituisse Alexandriae, ad publicam delectationem, Bibliothecam amplissimam, idque egisse, ut ea cum Attalicorum Regum Bibliotheca, quam Pergami instruxerant, decertaret. Zaluscii uero, uti reliqua uirtute, ita Bibliothecae studio, Ptolemaeum aequant. Suam enim Varfauiæ instituunt, cum regiis decertantem. Imo, quae dicam, fidem facient, pari animo ausuque egisse Ptolemaeum, et Zaluscios. Ptolemaeus enim, cum Bibliothecam, ut Vitruuii uer-

bis

<sup>1</sup> B'ONAMY *Memoires de l'Académie Royale des belles Lettres à Paris, Tom. VIII. pag.*

<sup>2</sup> 175. eum praesertim uocat *recommandable par sa libéralité, la noblesse de ses sen-*





bis<sup>n</sup> loquar, summa diligentia perfecisset, non putavit, id satis esse, nisi propagationibus in feminando curaret augendam. Itaque Musis et Apollini ludos dedicavit, et, quemadmodum athletarum, sic scriptorum, victoriis praemia et honores constituit. Iudices etiam, qui probarent, legit. Adhuc uero omnium animis altius haeret infixum, quam Zaluscii anno superiori, cum perfecissent Bibliothecam, rerum sategerint, ut non tam Bibliothecam, quae augeri non poterat, quam rem literariam, augerent. Dedicati Musis et Apollini ludi. Indicta athletarum certamina. Proposita victoribus praemia et honores. Lecti literarii certaminis iudices. Sic nulla plane re Ptolemaeae celebritati cessit Zaluscia. Vtraque regio animo instituta, regio etiam peracta, fuit. Sed, ubi curatius rem perpendo, non pari egerunt animo. Zaluscii egerunt meliori. Ptolemaeum, quod diserte memorant scriptores, studium aemulandi adegit, ut Bibliothecam instrueret; nec instruxisset, nisi Reges Attalici, quibus literarum gloriam laudemque inuidebat, Pergamenam condidissent. At Zaluscii, quibus, difficile est, parem Animo et Virtute Heroem inuenire, maiori cum animi religione Suam instruxerunt. Stimulus, qui adegit, fuit Vestra, quotquot Sarmatiam, felicissimam terram, incolitis, Vestra, inquam, salus. Inde cognoscere licet, quem Sarmaticae rei

B 3 fructum

timens, et sa débonnairété à l'égard de ses amis.

t) VITRUVIUS Lib. VII. in Praef.

n) VITRUVIUS loc. cit.





fructum afferant Zaluscii. Inde etiam augurium capere, quem fructum allatura sit Bibliotheca Zaluscia. Afferet certe Zalusciorum Animo parem, hoc est, dignum Nomine Polono.

Illustrissimum nunc attingo caput, Vestrae delectationis argumentum potissimum. Scilicet est una res, quam uehementius appetunt, multoque impendio quaerunt, populi, populorumque regnatores, gloria. Plerumque illa urbium excisione, et ciuium sanguine, aut certe lacrymis, redimitur. At Vestri Regni Gloria, quae pridem amplissima habita fuit, nullo ciuium dispendio, potius lucro, augetur hoc ipso die, quo, ad literarum laudem, omnia alia Regnorum laude potiolem, obtinendam, aptior nullus. Etenim, qui Bibliothecam donat, ambiguum efficit, utrumne ei magis, cui donat, quam sibi, gloriosam rem faciat. Dabo rei argumentum. Serenus Sammonicus reliquit Gordiano, Imperatori, Bibliothecam, sexaginta mille uoluminibus ampliolem. Cui uero crederetis, maiorem deberi laudem? Vtrum Sereno, qui reliquit? an Gordiano, cui relicta fuit? Nisi fallor, in Serenum consentitis, cum, generosius esse, uideri possit, donare, quam, quod donetur, recipere. At audiatis ea de re Iulium Capitolinum: *Hoc Gordianum ad coelum tulit. Siquidem tantae Bibliothecae copia et splendore donatus in famam hominum, literarum decore, peruenit. Iam extra omnem*



omnem controuersiam positum est, Sereni Sammonici Bibliotheca illustriorem esse Zalusciam, si uel numerum, uel selectum, librorum, praesertim uero, si animum donantis, spectemus. Serenus enim suam Gordiano reliquit moriens, utique retenturus, nisi potentius fatum ulteriorem huius uitae usuram negasset. Nescio uero, an liberalis dicendus sit, qui ideo donet, quod uideat, mox cedendum esse possessione, etiamsi non donet. Laudabilior est Zalusciorum liberalitas. Hi, in omnium rerum flore constituti, opes Suas literarias Patriae erogant. Hinc nemini mirum uidetur, potius consentiunt populi et regna, quod res tanta Vos Sarmatas, Vestrumque Nomen, ad coelum ferat. Nulla res, hac ipsa aetate, hominum fama magis celebratur, quam quod tantae Bibliothecae copia et splendore donati sitis, celebratur etiam, quod, literarum decore, Regnum Vestrum illustris nullum sit. Haec, inquam, iam fama celebrantur. At aetas, quae mox sequetur, celebrabit illustriora momenta. Nos enim, rei nouae splendore ueluti adhuc praestrikti, laudem, hinc Zaluscia largitione, illinc Sarmatico Nomine, dignam, expedire non possumus. Expediet posterior aetas, cum rei illustri sensim adsueuerit. Nec ea tantum, in laudanda utraque re, negotium ponet. Aemulari etiam contendet. Quam suaue Vobis futurum creditis spectaculum, cum ex remotioribus, et cultissimis quidem, regnis aduenae, illustres etiam, Varfauiam certatim petent, interque peregrinationis causas praesertim laetabunt, illud





illud Regni Vestri Ornamentum, Bibliothecam Zalusciam? Cum enim Regnorum, imo orbis, ornamenta semper habitae sint Bibliothecae, quidni habeatur Zaluscia, quae reliquis omnibus plane palmam praeripit. Quanta Vos perfundet uoluptas, cum uidebitis, illustribus aduenis immisceri Principum et Regum Legatos, exploraturos, quam aulae imitentur, uniuersam Bibliothecae Zalusciae formulam? Quantam Vobis res afferet delectationem, cum publice memorabitur in annalibus, Principes et Reges, non tantum ad condendas Bibliothecas, Zalusciorum exemplo, excitatos, sed etiam in condendis formulam Zalusciam aemulatos, esse. Hoc certe non tam Zalusciis, quam integrae Sarmatiae, laudi erit et gloriae. Ecquid enim sentitis? Vtri, an Italiae, an uero Borromaeo, Cardinali, laudatissimo illi Bibliothecae Mediolanensis, quam Ambrosianam uocant, conditori, magis gloriosam esse diceretis rem, quam narrabo. Regis Lusitani Legatus, cum a Romana urbe ad Vlyssiponensem contenderet, et in itinere, ad Bibliothecam Ambrosianam, Borromaeo conditore illustrem, inuisendam, Mediolanum deduceretur, tam speciosa rerum imagine captus fuit, ut Regi suo mox referret, hanc Bibliothecam, et pulcritudine, et opulentia, si Italia spectetur, superari a nulla. Princeps, accepto hoc nuntio, mox tacito incensus est desiderio, parem Borromaeae in

Metro.

2) Hinc a CHASSANAEQ Bibliothecae referuntur inter ea, quae gloriam mundi abcolunt; in *Catalogo Gloriarum mundi* Consid. 73. pag. 186.



Metropoli sua condendi. Tum eiusdem exactissimam delineationem, ad architectonicae artis leges, exarandam, simulque regiminis formam, librorum numerum, aediumque apparatus, fideli calamo describenda, mandauit.\* Dicetis, magnam huius gloriae partem Borromaeo, maiorem tamen uniuersae Italiae, deberi. Borromaeo quidem, quod Regi exemplum fuerit ingenio. Italiae uero, quod ciues producat, quorum ingenia Reges aemulentur, qua laude inter prouinciarum laudes nulla illustrior. Iam aestimetis, quae Vestri Regni Gloria futura sit, cum Zaluscia Bibliotheca Borromaeam multa re superet, suoque splendore ac cultu iam Regum Animos in admirationem rapiat, mox futura regiarum Bibliothecarum archetypus.

Tanta igitur cum sit Glorïae amplitudo, ut ampliorem animo concipere nemo possit, haud difficilem coniecturam capimus, quo in pretio posterì habituri sint AVGVSTISSIMVM AVGVSTI TERTII NOMEN, cuius Auspicio, et ueluti Numine, Polonum Nomen ad hoc ipsum Glorïae fastigium euehitur. Habebunt certe, imo iam nunc populi habent, in maximo. Vt enim habeatur, haec ipsa dies tot ministrat causas, ut, nisi pridem habuissēmus innumeras, in his satis praesidii esset, ad parandam AVGVSTISSIMO

C

NOMINI

\* His fere uerbis idem refert IOSEPH. ANTON. SAXIVS de Studiis literariis Mediolan.

cap. 12. qui liber Mediolani anno 1729. in 8. prodit.





NOMINI immortalitatem. Quid enim Regibus Attalicis famae immortalitatem circumposuit, nisi Bibliotheca Pergamena? Quid Aegyptio Regi, Ptolemaeo Philadelpho, nisi Bibliotheca Alexandrina? Quantam laudem Augusto, Caesari, pepererunt Bibliothecae, eodem regnante, quod certatim produnt scriptores, perfectae et dedicatae? Quantam, in elogiis Regum Galliae, et aliorum regnorum, partem absoluunt Bibliothecae, iisdem imperantibus conditae? Iam uero, cum, AVGVSTI TERTII Auspicio, nobilissimam condi, contingat, quantam ea res dabit laudis materiam? Sane dabit largissimam, multumque ponderis habebit, ut Sarmatia, regnante AVGVSTO TERTIO, summum Laudis et Gloriae gradum attigisse, memoretur. Imo dicam aliquid amplius, quod omnia uincet laudum argumenta, quod tamen si dixero, uereor, ne INCOMPARABILIS PRINCIPIS Virtute adhuc uidear dixisse minus. Polonae Gloriae, quae iam maxima habetur, plane Auctor memorabitur AVGVSTVS. Et uere habendus est, si rem suis momentis ponderemus. Qui enim formam gerendae tractandaeque Reipublicae semper, Exemplo Suo, docuit, eaque re, Augusto Caesare, qui tantum docuit scribendo, <sup>a</sup> melior reputandus, FORMATOR REGNI <sup>b</sup> pridem appellari meruit, id praesertim ad formandum pertinere, regnique florentis argumen-

<sup>a</sup>) Augustum Caesarem librum de forma gerendae reipublicae scripisse, ex DJONE

narrat SEBAST. FOXIVS de *Histor. Instit.* circa fin.



argumentum esse, credidit, si tum literae, tum ingenia literis exculta, foueantur. Nec credidit modo, sed, ut se uere REGEM et REGNI FORMATOREM ostenderet, utraque re se Memorabilem fecit, tum literas fouendo, tum ingenia. Vtriusque rei documenta extant illustria. Illustrissimum tamen uidetur, et posterī Historiae Polonae partem iucundissimam dicent, quod CELSISSIMI PRINCIPES REGII, Illa, uti AVGVSTAE DOMVS, ita praesertim AVGVSTAE VIRTVTIS, Incrementa, non tantum eloquentia latiali, sed, ut, felicissimo Casimiri IV seculo, nostrum felicius esse, intelligatur, reliquis etiam artibus, quae forment ingenium, liberalius imbuantur. Quae res non literis modo laudi est. Est etiam ingeniis. Florentissima enim seculi ingenia REX AVGVSTISSIMVS circumspicit, et, in quacunque terrarum parte lateant, extrahit, inque Aulae Splendorem adducit, ut, eorum ministerio, ad ingenii literarumque laudem scandat EXCELSA SOBOLES. Hoc, inquam, erga literas et ingenia Animo cum sit AVGVSTVS TERTIVS, fieri non potest, quin eodem sint Proceres Sarmatiae, quos semper, Regum Suorum Exemplo, agere fides est. Vt plane aperiā, quod sentio, AVGVSTI Exemplo egerunt, et hoc ipso die, qui Glorīae Sarmaticae incrementum absoluit, agunt, Zaluscii. Vt ergo manifestum sit, magnam huius Glorīae partem deberi Zalusciiis, cum diem instruant,

C 2

maxi-

1) FORMATOREM IMPERII Augustum Imp. vocat TERTVLLIANVS in Apol. cap. 34.





maximam uero INCOMPARABILI AVGVSTO, cum instruendo diei Auspicium praebeat, et Exemplum. Quae res cum adeo illustris sit, ut illustrior cogitari nequeat, nescient certe ingenia, foecundissima etiam, dignam TANTO PRINCIPE laudem concipere, cum intellexerint, omni laude, quae in laudatissimis Principibus maxima esse credita fuit, Maiorem esse AVGVSTVM. Etenim, si quis, Augusti Caesaris, quem seculi ingenia omnibus modis fouisse scriptor perhibet,<sup>c</sup> uel Traiani Optimi, quo regnante studia spiritum, sanguinem, et Patriam, recepisse creduntur,<sup>d</sup> secula redire dixerit, id parum erit, nec nostri seculi laudem attinget. Sanctiori enim, ac ille, Animo AVGVSTVS TERTIVS seculi ingenia fouet, neque tam regnante, quam potius operante, AVGVSTO TERTIO, studia spiritum, sanguinem, et patriam, receperunt. Tum etiam seculi diuersitatem inde cognoscimus, quod uterque Caesar Caesaris dignitatem aut prensauerit, aut delatam cupidissime susceperit, AVGVSTVS TERTIVS bis delatam generosius recusauerit. Quae res uel sola AVGVSTVM Nostrum ipso Augusto Caesare Augustiorem, ipsoque Traiano Optimo Meliorem, efficit. Imo, etiamsi quis ipsas Regum Polonorum laudes, quae citra controuersiam sunt amplissimae, peruestigare uelit, difficillime inueniet laudem, quae, AVGVSTI Laude, non sit minor. Magna quidem laus est, quod Annales

memo-

<sup>c</sup>) SVETONIUS in *Augusto* cap. 84.      <sup>d</sup>) PLINIVS in *Paneg.* cap. 47.



memorent, BOLESŁAVM V non suo tantum Regno fuisse in deliciis, sed exteros etiam, et remotiores, populos in sui admirationem traxisse. \* Qui tamen idem hoc dixerit de AVGVSTO TERTIO, is dixerit minus. Scilicet BOLESŁAO haec laus recte tribuitur, ob bene sapienterque administratam Rempublicam. Sed, quod seculi magis, quam Principum, vitium erat, tunc Respublicae et Regna administrari posse credebantur sine literarum politiorum adiumento, sine cultu ingeniorum. At, qui AVGVSTVM TERTIVM laudare velit, is animo complectatur, quod non solum Rempublicam bene sapienterque administret, sed etiam primum administrandae Reipublicae adminiculum, imo fulcrum, et veluti munimentum, putet esse literas et ingeniorum culturam. Tum aliquis in eam fortasse trahi poterat sententiam, esse iam aevi laudem eandem, quae fuerit, tenente Rempublicam CASIMIRO IV; Habuisse CASIMIRVM in complexu Virtutes, regio diademate dignas; Virtutibus adeo parem fuisse Regis fortunam et Regiminis diuturnitatem, ut, teste Sarnitio, f nullus Regum Polonorum diutius feliciter regnauerit; sobolem ei contigisse, uti numerosam, ita Paternae Virtutis aemulam; Principes Regios liberalius, id est, ad literas politiores, ad eloquentiam praesertim, institutos, instituendis vero praestantissimos viros admotos, fuisse; Quatuor ex Illis Regiam dignitatem et meruisse, et accepisse, quintum

C 3

uero

\*) LAVTERBACH. Chron. Polon. pag. 193. f) SARNITIVS Annal. Polon. Lib. 7. c. 7. p. 112.





uero dignitatem, Regiae proximam; Sex Principes Regias totidem Ducibus, tum Stemmatum Gloria, tum terrarum, quas possederint, amplitudine, tum fortibus factis, commendatissimis, Augusto ritu, collocatas fuisse;<sup>g</sup> Auspiciatissima Cracouiensi Ecclesiae fuisse CASIMIRI tempora; Episcopi Insignia tenuisse Sbigneum, Virum, quem Sarmatae dixerint Sidus clarissimum, quo sol nihil uiderit fulgentius, nec imposterum sit uisurus, qui illustrauerit, suaque persona nobilitauerit, Regni Poloni, et Ecclesiae Cracouiensis, splendorem, qui fuerit civilis et benignus, in hospites officiosissimus, moribus generosis, rara in singulos gratia, quo extincto uniuerfos Regni Ordines, cum nullo seculo restitutum iri crederent Sbigneo similem, luctus occupauerit.<sup>b</sup> His Casimirianae laudis momentis nostri aevi laudem absolui; Iam gaudere, imo gloriari, Sarmatiam REGE, cui ob Regias Virtutes Schema Regium circumpositum fuerit; Esse Regiis Virtutibus parem Regiminis felicitatem, eoque certius capi augurium, fore diuturnum, ipsoque CASIMIRI Regimine diuturnius; Sobolem INCOMPARABILI AVGVSTO obtigisse numerosam, Paternae Virtutis uestigia legentem, et quam

maioribus ire per altum

Auspiciis manifesta fides;

PRINCIPES REGIOS, Illos non Sarmatiae tantum, aut Saxoniae,  
fed

g) LAVTERBACH. Chron. Polon. pag. 343.



sed Europae, Ocellos, florentissimorum ingeniorum ministerio, ad omnem literarum paratum liberalius institutos esse, et institui etiamnum; Numero quinque esse, totidem futuros, cum iam mereant esse, populorum prouinciarumque Arbitros; Sex PRINCIPES FILIAS, uti Sexus SVI, ita DOMVS AVGVSTAE, Ornamenta esse; Trium iam Matrimonio rem Hispanam, Gallicam, et Bauaricam, fulciri; Tres reliquas in spem Regnorum, addo in spem Regum, adulescere; Cracouiensem Ecclesiam iam ornari Praefule, qui Sbigneo, nisi superior, certe omni laude par, fit, Suaque Persona et Regni, et Ecclesiae, splendorem nobilitet, et illustret, qui erga quemque, siue Sarmata sit, siue peregrinus, modo bonam mentem amet, benignus sit et officiosissimus, generosissimo etiam Animo, rara in singulos Gratia, quem uniuersi Regni Ordines, ob tantas Virtutes, quae Sbigneo simillimum reddant, in oculis ferant, et in florem Rei Sarmaticae diu Sospitem uelint. Haec, inquam, omnia quandam utriusque seculi, Casimiriani et nostri, similitudinem arguere poterant. Sed dissimilitudinem affert, quod CASIMIRO IV Maior sit AVGVSTVS TERTIVS. Maiorem enim esse, praeter tot, quae demonstrant, documenta, demonstrat Bibliotheca Zaluscia, qua nullum illustrius Polonae Gloriae monumentum. Quod hoc uero AVGVSTI Auspicio, imo, quod dixi, Exemplo, statuatur, id EVM, CASIMIRO, et laudatissimo

b) Sbignei laudem his ipsis uerbis exprimit DLYGOSSEVS *Histor. Polon. Lib. XIII. ad an. 1455.*





tissimo quouis Rege, efficit Maiorem Memorabilioremque. Vnde ergo, cum tanta laudatorem circumstet difficultas, ut semper, minus dixisse, uideatur, dignam Laudis materiam delibabimus? Vnde carminis, AVGVSTO digni, argumentum? Dabit Bibliotheca Zalufcia, quae Bibliothecae Vlpiae uirtutem curiosius imitabitur, Narrabo uero, qua re Vlpia suam ostenderit. Vario de argumento sermonem miscent Flavius Vopiscus, et Iunius Tiberianus, Vir Illustris, Praefectus urbi, praecipue de uita Principum. Cum templum Solis laudant, reminiscuntur, id consecratum esse ab Aureliano, Principe. Mox ex Vopisco quaerit Iunius, quis Aureliani Vitam in literas retulerit. Respondet Vopiscus, neminem se Latinorum, Graecorum aliquos, lectitasse. Cui Iunius, indignam rem uideri, Aurelianum, Clarissimum Principem, per quem totus Romano nomini orbis restitutus sit, posteris nesciri; se curaturum, ut Vopisco ex Vlpia Bibliotheca libri lintei proferantur, unde ille conscriberet, quae ad laudem Aureliani spectarent. Stat promissis Iunius, eoque ipso efficit, ut integro commentario laudem Aureliani comprehendat Vopiscus, qui ipse rem copiose narrat, haec subiiciens uerba:<sup>i</sup> *Si hoc contentus non fueris, lectites graecos, linteos etiam libros requiras, quos Vlpia tibi Bibliotheca, cum uolueris, ministrabit.* Ita scilicet Bibliotheca Vlpia paratissima semper fuit, ministrare cuique, qui Aurelianum laudare uellet, laudis argumentum. Hanc  
Vlpiae

i) VOPISCVS in Aureliano cap. 8.



Esse uero Zaluscios uerae laudis solidaeque gloriae intelligentissimos, si opus esset argumentis, plura afferret haec dies, qua nulla, ad laudem et gloriam parandam, accommodatior. Enarrabo potiora. Regnorum maxima laus est, si uirtus bellica literarum studiis temperetur. Zaluscii, artificio Suo, publice demonstrant, Sarmatiam non bellica tantum uirtute, sed literarum etiam laude, cum reliquis regnis in contentionem ire. Nulla maior Heroi, aut sagato, aut togato, gloria parari potest, quam si palam fiat, eum literas non tam amare, quam deperire. Vobis uero, Procures Sarmatiae, quotquot hoc die Varfauiam, simulque Bibliothecam Zalusciam, Praesentia Vestra collustratis, hanc ipsam gloriam parant Zaluscii. Etenim, dum Vos celebritati literariae, amico hortatu, adstituerunt, palam fecere, Vos nulla non Virtute, etiam literarum

D... amore,





amore, Heroës esse. Porro, quis laudem inuenerit, quae, laude ingenii, sit illustrior? At hanc Sibi Ipsis pridem peperere, et partam hoc die mirifice augent, Zaluscii. Tum, ut praecipuum caput memorem, an amplissimae Bibliothecae nobilior laus, aut solidior gloria, circumfundi posset, quam ab AVGVSTO TERTIO petita? Hanc uero petunt, hanc Bibliothecae circumfundunt, Zaluscii. Res est, uere ad delectationem composita, memoria repetere, quid rerum Illi egerint, et nunc agant, ut doceant, non felicius aliud, quam quod ab AVGVSTI et NOMINE, et NOMINE, capiatur, capi auspicium. Certe, si repetiero, uix quisquam sibi temperabit, quin animo uoluat, Bibliothecam Zalusciam accurate quidem dici Zalusciam, accuratius tamen AVGVSTAM, Nomine, quod Sarmatiae nullo non tempore, et, quis credat, iam ab Augusti, Caesaris aeuo, <sup>k</sup> auspicatissimum fuit. Instituerunt eam Zaluscii, ut illustre quoddam extaret monumentum, ex quo populi cognoscerent, maxime floruisse Rem Sarmaticam sub AVGVSTO TERTIO. Ut instituerent, exemplum fuit, et incitamentum, AVGVSTI Virtus. Institutam dedicaturi, operam dant, ut in AVGVSTI Conspectu dedicatio peragatur. Inducunt certamina literaria, ut certent ingenia in celebranda AVGVSTI Laude. Praemium certantibus proponunt, AVGVSTI

Imagi-

<sup>k</sup>) Laudant enim Annales Augustum, Caesarem, quod erga Sarmatas mitem se praebuerit. *SARINITIVS Annal. Polon. Lib. III. c. 1.*

l) RIGORDVS, antiquus auctor, in *Praef. ad Vitam Philippi, Galliae Regis*, cum in prima operis fronte Regem dixisset Augustum,



Imaginem, auro expressam. Moram, dedicationi anno superiori allatam, hac ipsa celebritate pensant, quae iam, inter publicam congratulationem, peragitur. At illa peragitur Augusto mense, Augusti die, Augusto loco, hoc est, in Regni Sede, Augusto ritu, hoc est, in tot Procerum Regni, Regni Geniorum, Conspectu; liceat addere, Augusto etiam Animo. Augusta igitur cum sint omnia, quae Bibliothecam circumstant, momenta, quidni ipsa sit Augusta? Imo, quod uere sit, adhuc plura momenta urgent. Audio augustum dici ab aucta republica.<sup>1</sup> At Bibliotheca Zalufcia Sarmatarum Rempublicam auget ingeniis, auget laude et gloria. Qui credunt,<sup>m</sup> ab augusto augurio, quo res dediceretur, augustam uocari, ii etiam huic causae patrocinantur. Nihil enim unquam augustiori augurio dedicatum esse, recordamur, quam Bibliothecam Zalusciam. Patrocinator etiam, quod Dio contendat,<sup>n</sup> Octavianum uocari Augustum, quasi hominis natura ampliorem; augusta esse, quae honore sint dignissima. Bibliothecam uero Zalusciam ampliorem, aut honore digniorem, nescit orbis literarius. Tum, ubi causam sciscitor, cur urbes, recenter conditas, augustas saepe dixerint conditores, ea, Velsero iudice,<sup>o</sup> fuit, quod illae reliquarum urbium principes habitae fuerint, et capita. Qui uero Bibliothecam Zalusciam

D 2

reliqua-

subiicit, se merito dixisse, cum auxerit    <sup>n</sup>) DIO CASSIUS Lib. 53.  
Rempublicam.

<sup>m</sup>) SVETONIUS in August. c. 7.    GELLIUS    <sup>o</sup>) VELSERUS Rerum Augustan. Vindel. Lib. V.  
Lib. XIV. c. 7.    in Opp. pag. 255.





reliquarum, quotquot extent, Bibliothecarum principem, et caput, dixerit, nec faller, nec fallitur. Denique illud:

*Sancta uocant augusta patres, augusta uocantur  
Templa,<sup>p</sup>*

argumento est, ueteres ea, quae diuinitate quadam gauderent, adeoque, cum uiolari summum haberetur nefas, ab insultibus hominum salua et intemerata relinquerentur, augusta dixisse. Iam uero Bibliothecae Zalufciae, si Animum, quo condita sit, si ritum augustum, quo dedicetur, si fructum, quem Regno spondeat, cetera, spectemus, tantam,prehendimus, inesse diuinitatem, ut certo possimus augurari, ab omni, et temporis, et hominum, insultu saluam semper fore, et intemeratam. Fidem huic augurio conciliabunt, quae dicam. Relicta a D. Augustino ecclesiae Hipponensi Bibliotheca, Hipponem occupant illi non Hipponis magis, quam literarum, hostes, Vandali. Deuastant, depopulantur, omnia. Urbem concremant. Incolas trucidant, furentes, et longa obfidione faeuiores redditi. Rerum Hipponensium miserrima facies! Sola uero, sola D. Augustini Bibliotheca stat illaesa, si non humana, quod ait Caesar Baronius,<sup>q</sup> tamen angelica, uallata custodia. Et

Bafna-

<sup>p</sup>) OVIDIVS Fastor. Lib. I. n. 609.

<sup>q</sup>) BARONIVS Annal. ad ann. 430. LXXXVIII.

<sup>r</sup>) BASNAGIVS Anthol. Tom. III. ann. 430. §. 4.

Imo audiatur etiam JEAN LE SUEUR, Histoire de l'Eglise et de l'Empire, Tom. III. n. 430. Environ 200 mois, que Dieu l'eût retiré, tous les gens de guerre abandonnerent la

ville à la merci des Vandales, qui s'en saisirent, la pillèrent, y mirent tout à feu et à sang, y violèrent les choses les plus sacrées, et y exercèrent toutes les hostilités imaginables. Ils n'épargnerent, que la Bibliothèque de S. Augustin, qui étoit remplie de quantité de bons livres, et ils respectèrent ses ouvrages par une protection



Basnagius, non sine Dei praesidio, cum barbari ignes Hipponem uastassent, Augustini libros incendio exemptos esse, memorat.<sup>7</sup> Iam, qui perpendat, qua uirtute Augustinus hanc Bibliothecae suae fortunam meruerit, non poterit non parem Bibliothecae Zalusciae fortunam augurari, cum par uirtus in Altero huius Bibliothecae Conditore, Andrea, eniteat. Augustinum Prosper Aquitanus uocat Episcopum per omnia Excellentissimum.<sup>8</sup> Qua uero dignitate Craouiensi Ecclesiae praesit Andreas, Vos aestimabitis, Sarmatae, qui ueram uirtutem suo aestimare soletis pretio. In Augustino doctrina et eruditio tanta eluxit, ut alius,<sup>9</sup> eum literis suis clara reddere, quae obscura fuerint, contendat, alius<sup>10</sup> eum, ob literarum praestantiam, Tullii aemulum dicat; Andreae uero Doctrinam diserte satis loquitur, ut cetera monumenta transeam, Bibliotheca Zaluscia. Augustinum eloquentiae uindicem fuisse, inde manifestum est, quod eloquentiae non solum utilitatem strenue defendat,<sup>11</sup> sed etiam criminationem grauitate refellat.<sup>12</sup> At, quo artificio Andreas eloquentiae latiali splendorem suum asseruerit, omnes adhuc memoria tenemus. Augustini praecipua cura erat, ut Bibliotheca, et omnes codices, diligenter posteris custodirentur.<sup>13</sup> Nemo autem posteritatis causam

D 3

follici-

*visible de celui, pour la gloire duquel il les avoit composés.*

7) PROSPER AQUITANVS in Chron. an. 430.

8) PAVLINVS in Epist. ad Augustin. 94. in Opp. August. Tom. II. pag. 191. Edit. Benedictin.

9) NECTARIUS in Epist. ad Augustin. 103. Tom. II. pag. 218. Edit. alleg.

10) AUGUSTINVS Lib. I. contra Cresconium Doct. nat. in Opp. Tom. IX. pag. 205.

11) Lib. IV. contra Cresconium in Opp. Tom. IX pag. 328.

12) POSSIDIUS in Vita Augustini cap. 13.





sollicitius egit, quam Andreas, qui tum Bibliothecam, tum etiam amplissimam, qua Bibliotheca posteris custodiretur, Basilicam, Sarmatiae prospexit. Imo duplici dote commendabilior est Bibliotheca Andreae, quam Augustini. Huius enim utilitas, cum Ecclesiae saltem Hipponensi relicta esset, non tam late patere poterat, quam patet utilitas Zalusciae, quae spectat ad omnes, siue indigenae sint, siue exteri. Deinde, quod Augustinus suam donauerit moriens, id coniecturam admittit, forsitan non donaturum fuisse, nisi mortis uicinia liberalitatem extorsisset. Contra Zaluscia Liberalitas se extorqueri non patitur. Igitur intelligitis, Bibliothecam Zalusciam, quo magis Augustinianae laudem aequet, eo esse sanctiorem et inuiolatiorem, et quo sanctior et inuiolatio sit, eo magis Augustae mereri nomen,

Haec quidem ad Andreae laudem spectare uidentur. Vere tamen spectant ad laudem Sarmatiae, cui gloriosum est, quod in Sinu Suo foueat Virum, qui Augustinum Virtute aequet, forsitan superet; cuius Nomen, omnium consensu, dignum habeatur, ut, quod de Getkone, Episcopo quondam Cracouiensi, scriptor ait, "aureo insculpatur calamo; quo, ut laudem paucis complectar, dignam satis laudationem, licet exuberet laudis materia, inuenire nescio. At non minus honorificum Sarmatiae est Iosephi Nomen.

Quantae



Quantae laudis est, quantae amplitudinis, communibus cum Andrea studiis, in augenda Republica, elaborare? Elaborat uero Iosephus, quem Poloniae Vlyssēm et Plinium commode dixero. Eant Bohemi, sui que Herois, quem Vlyssēm et Plinium Bohemiae dixerunt, uirtutem, qua meruerit dici, metiantur. At metiantur etiam Virtutem Iosephi. Certe, subducto calculo, ambigui haerebunt, utri magis, an Bohuslao Lobkouicio, an Iosepho Zaluscio, conueniat, dici. Bohuslaus ornauit gentem, stemmatis quidem uetustate, et omni reliqua, quae nobilitatem auget, uirtute, commendatissimam, principali tamen dignitate, etiamsi fortibus factis meruisse non negem, tum non illustrem. Haec enim, post Bohuslai fata, in Gentem Lobkouiciam illata fuit. Gens, quam ornat Iosephus, omni re nobilissima, grauida semper Heroibus, uergente superiori, et ineunte hoc, seculo, S. R. I. Principem ostentauit, nunc ostentat Ducem. Bohuslaus, cum in aliquot academiis cultum ingenii cepisset, tantam nactus fuit ingenii laudem, ut non solum laurea doctorali dignus haberetur, sed etiam a Trichemio, cum nemine Germanorum, ingenii laude, in comparisonem mitti posse, diceretur. Quid uero rei in academiis egerit Iosephus, inde intelligitur, quod et Theologiae, et utriusque iuris, Lauream reportauerit, et Ingenii magnitudinem, qui aestimare uelit, is aestimet, quantae molis sit, Bibliothecam Zalusciam condidisse. Vlyssis cognomentum Bohuslaus accepit, ob peregrinationes, quas per Prouincias remotissimas susce-





susceperat. Iosephus, per cultissimos populos peregrinando, decennium exegit. Plinii nomen Bohuslaus tulit, ob uarietatem doctrinae, ob eloquentiam, praesertim uero ob Bibliothecam, quod Balbinus<sup>b</sup> ait, memorabilem, multisque librorum millibus diuitem, cui augendae nullis pecuniis pepercit. Varia uero Iosephi doctrina, et eloquentia, late iam celebratur, etiam ultra terminos Sarmatiae. Bibliotheca quoque Zalufcia quam memorabilis sit, tum numero librorum, tum sumtu, ex eo constat, quod ad utrumque stupeant populi. Tum meminisse iuuat, Bohuslaum, cum abeundum ei esset ad plures, Bibliothecam suam legasse uniuersae Lobkouiciorum Genti, ea lege, ut is haberet usum, qui inter Lobkouicios emereret doctrina et ingenio. Fateor, rem laudabilem fecisse Bohuslaum. At laudabiliorem facit Iosephus. Vigentibus adhuc annis Suam Bibliothecam Patriae tradit, effecturus, ut non Gens Zalufcia saltem habeat, qui doctrina ingenioque emineant, sed ut integra Sarmatia, literarum et ingeniorum laude, ceteris Regnis habeatur superior. Lobkouicia Bibliotheca, quod adhuc luget Gens splendidissima, ferali incendio periit. Zalufcia Bibliotheca, illud Splendidissimae Gentis monumentum aere perennius, intemerata stabit, dum literis et seculis clausulam imponet ruens orbis. Quae dum disputo, non tam Iosephum laudare uideor, quam Sarmatiam.

Etenim

<sup>b</sup>) BALBINVS *Epit. Rerum Bohem. cap. XI.*  
pag. 574. et in *Not. pag. 583.* ubi et reliqua,

quae attingo, laudis Bohuslai momenta, memorantur.



Etenim gloriosum quidem est, Vlyssē et Plinium esse, multo  
tamen reputatur gloriosius, Vlysses et Plinius gignere. Genuit  
uero, Illa magnis ingeniis foecundissima mater, Sarmatia.

Haec scilicet cum sit huius diei, huius celebritatis, conditio,  
ut, quicquid oculis, quicquid animis, attingamus, id omne Tuam,  
Sarmatia, Gloriam spiret, publicam hanc felicitatem Tibi Regna,  
Tibi Prouinciae, Tibi populi, gratulantur effusius. Gratulatur  
praesertim fidissima soror, Saxonia, quae, uti communibus Te-  
cum auspiciis, Eodem PATRIAE PATRE, fruitur, ita, gaudii  
Tui, Tuae delectationis, Tuae uoluptatis, imo Glorae Tuae,  
quandam partem ad se pertinere, credit, eoque magis in gaudia et  
uota effunditur. Effusissimis uero his gaudiis et uotis mea fidenter  
immisceo. Fiduciam enim Ipsa fecisti, cum publico Tuo Iudicio,  
quod omni auro pretiosius, ueluti ex compacto, omnes dixerunt,  
qui rem illustrem mihi gratulati sunt, me ornare, publiceque de-  
clarare, quod res meas, an reclusas dicam, aliquid esse putes.  
Nec fiduciam saltem fecisti. Effecisti etiam, ut pietate in Te,  
Tuumque Nomen, cedam nemini, nec Tuis cessurus indigenis.  
Ne igitur hoc ipso die, quem indigenae Tui congratulationibus  
et uotis consumunt, mea sibi desit pietas, symbolam confero, ne-  
scio, an ullo cultu suo, ipsa tamen pietate, commendabilem. Votis  
prosequor diem, multa re illustrem, ea tamen re, quod INCOM-

E

PARABILI






PARABILI AVGVSTO TERTIO sacra sit, illustrissimum. Votorum scilicet pars AVGVSTISSIMI REGIS, SERENISSIMAE REGINAE, CELSISSIMORVM PRINCIPVM REGIORVM, et totius DOMVS AVGVSTAE, florem et incrementum coelo deponit; Pars superos sollicitat, ut Celissimum Regni Primatem, et Splendidissimos Regni Ordines, Saluos uelint, Saluam Sarmatiam Vniuersam, Saluam Sarmatici Nominis Dignitatem Maiestatemque; Pars denique id agitat, ut ratum fiat, quod edidi, uaticinium, intemeratam per secula fore Bibliothecam Zalusciam, illud (ut dicam, qua laude Zaluscii Alexandrum VII,<sup>c</sup> Pontificem Maximum, egregiae Bibliothecae Conditorum, aemulentur) adolescentibus illicium, senibus subsidium, otiosis spectaculum, occupatis diuerticulum, studiosis negotium, Conditoribus gloriosum monumentum; Vnum addere liceat:<sup>d</sup> Illud REGNI SARMA-

TICI DECVS ET PRAESIDIUM.


c) Alexander enim, publicam Romae Bibliothecam conditurus, eo agebat animo, ut his, quas recensio, uirtutibus illam instrueret. Rem narrat AUCTOR *Descriptionis Archigymnasij Romani ab Alexandro VII* : *perfecti*, quae prodiit Romae, ann. 1661.

d) Hoc elogium mutuo a nummo aureo, quo Gratiissima Andreae Zaluscii Manus me ditauit. Eum enim, praeter reliqua schemata, ornat epigrapha: DECVS ET PRAESIDIUM.











Biblioteka Jagiellońska



stdr0025463

Ms  
3977



